



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quæ sit satisfactio falsa. B

urn:nbn:de:hbz:466:1-38829

criminum. Non enim sufficiunt grauius delinquentibus, quæ sufficiunt minus vel parum peccantibus.

Quæ sit falsa satisfactio. B

Et sicut sunt digni fructus pœnitentiæ, ac vera satisfactio: ita & digni fructus, & falsa satisfactio, i. falsa pœnitentia. Vnde Gregorius. Falsas pœnitentias dicimus, quæ nõ secundum auctoritates sanctorum pro qualitate criminum imponuntur. Ideoque miles, vel negotiator, vel alicui officio deditus, quod sine peccato exerceri nõ possit, si culpis grauioribus irretitus ad pœnitentiã venerit, vel qui bona alterius iniuste detinet, vel qui odiũ in corde gerit: recognoscat se verã pœnitentiã non posse peragere, nisi negotium relinquat, vel officium deserat, & odium ex corde dimittat, & bona quæ iniuste abstulit, restituat. Nec tamen desperet, interim quicquid boni facere potest, hortamur vt faciat, vt Deus cor eius illustret ad pœnitentiã. Cum sit pœnitentia interior & exterior, de vtraque per præmissa satis apparet, quæ sit vera, & quæ sit falsa.

De tribus actionibus pœnitentiæ. C

Predictis vero ad adiiciendum est, quod tribus modis agitur pœnitentia: ante baptismum scilicet de prioribus peccatis: post baptismum de grauioribus quæ post committuntur. Est etiam pœnitentia venialiũ quotidiana: quæ etiã humilium est, & perfectorum. Vnde Aug. Tres sunt actiones pœnitentiæ quas mecum eruditio vestra recognoscit. Vna est quæ nouum hominẽ parturit, donec per baptismum omnium predictorum ablutio fiat peccatorum: quia nullus suæ voluntatis arbiter, nisi pœniteat eum veteris vitæ nouã inchoare potest, à qua paruuli sunt immunes cum baptizantur, quia nondum possunt vti libero arbitrio: quibus tamẽ ad remissionem originalis peccati prodest eorum fides, à quibus offeruntur. Altera est actio pœnitentiæ post baptismum, quæ fit pro illis peccatis, quæ

Greg. 7. de pœnit. dist. 1. c. Falsas.

Aug. bo de utilitate & necessitate pœnitentiæ qua est. 50. in to. 10. & li. de medicinali pœnitentiæ, ca. 7. tomo 9. Exod. 20. b. Acto. 2. f